

ШО ВНИНИ

Dr. I. Đ. Višošević, rektor grkt. sjem. Zagreb g. g.

ЗА РУСНОХ У ЈУГОСЛАВИЈИ

„Руски Новини“ виходза кажти шедень. — Предплата на рок 55 Дин. Адреса: „Руски Новини“ Р. Керестур. Число Чековног рахунку 59-356.

Видава: Руске Нар. Просв. Дружтво
За редакцино одпева: Мих. ФИРАК.

Умар вельки папа.

Рано 10. фебруара радио и телефони рознесли по цалим швецѣ жалосну вистку, же Пий XI. глава католици церкви најсилнейшей організації на швецѣ, умар у глібокей старосци од 82 роки. Бул вон по шоре 261 папа.

Родзел ше покойни св. Отец у Десио, 31. мая 1857. року а оец му бул директор едней фабрики. Богословски науки звершел у Риме и посцигнул три докторати: з богословіи, з церковного права и зос филозофиі. З початку бул професор на богословіи у Милану, а вец библиотекар славней австро-византијанскей библиотеки тиж у Милану у Италиі. Од 1918. до 1921. року бул апостолским нунциом у Варшави, а вец постал владика у Милану. 6. фебруара 1922. року бул вибрани за римского владика и владаря вселенскей Христовей церкви. Владал ровно 17 роки.

Пий XI. управял зос католицку церкву у барз чужих повоених часох. Рижни революційни рухи большевизм, фашизм, гитлеризм старали ше отаргнуц людзох од вири и церкви и сами над нима завладац. Пий XI. борел ше проти них, вше отворено и без страху осудзовал криви науки. Бул наисце папа борец, војак.

Вельки успих посцигнул, кед пред 10 роками направел споразум з талиянску державу. Теди Ватикан постал шлеводна держава, а Мусолини ше подязал виплаци одчкотоване за одняти 1871. року церковни добра. Вельо бриги задал покойному Гитлер зос своїм преганяньом Церкви у Немецкей.

Нашу грекокатолици церкву и наш народ Покойни папа любел щиро, цо доказал вельо рази, а прешлей ешені виявел тиж особену бригу за Карп. Україну и послал там нашого Преосвященного, да будзе там нашому народу на помоци.

Вельке старане мал папа Пий XI. за розширене вири Христовей а прето помагал и ширел мисиі у поганских крайох а робел тиж на зближеню и зединеню одтаргнутей восточней церкви з церкву католицку.

За прикладом велького папи Льва XIII. выдавал послания за работнікох, у котрих захтевал праведни плаци за роботу и да медзи газдами и їх работніками влада любов и праведносц.

Найвечей стараня положел покойни папа за так звану Католицку Акцију, т. е. да ше у парохийох організую шицки добри и шорови людзе и вец вони най робя на розширеню правей побожносци и одпаднутих од церкви и вири наврацаю назад гу Богу. Свитски особи так маю помагач священиком у їх апостолскей работи. Дружтва Католицкей Акциі уж розширени по цалим швецѣ.

17 роки работи, змаганя молитви и жертвох на апостолским престолу Папи Пия XI. не прешли без шліду. Церква за його владаня замоцнела и достала векшу побегу, а сам папа заш постал найвекши авторитет на швецѣ — совисц цалого роду людского, цо тераз над його швидим гробом шицки и вирующіи и нелицути, признаваю.

Помодліме ше за душу велького Отца християнох папу Пия XI. Най му Господь да блажени покой и Вичную Память! (ок)

Горніца по виборох.

Побіда народней влади на Карпатскей Україні.

На перших шлеводних виборох на Карп. Україні, котри ше одбули в недзелю 12. фебруара, наша народна влада на чолѣ зос Дром Волошином славно надвладала шицких проци-народних и процирусских неприятельох. За листу Українског Народного Зединеня, то ест за владу, гласало 264.000, лебо 92.40 проц. од шицких цо гласали. Ест барз вельо валали, две шицки гласали за свою владу. Вони

за награду мали право на валалскей хижи вивишиц билу заставу як знак общей побиди народног руского (українског) духа.

Тераз наша влада на Горніци ма подпору цалог народу и вона постала права народна влада, бо шицок народ гласал за ню и одобрил ей роботу и змаганя. Слава и чещ нашей старей, шлеводней Оцовщини — нашей Горніци — тераз Карп. України.

Наша Америка за Карпатску Україну.

Медзи нашима людзми у Америки стої велька акция за збераньом помоци Карп. Україні, бо нашо неприятеле впрестано гваша, же Карп. Україна не може обстац, бо в худобна. Наш професор універзитету у Америки др. Грановский у споразуму зос америчким Червеним Крижом наберал и послал уж 400.000 шмати за Карп. Україну и велі тисячи долари а то на наш пенѣж стот-


ки тисячи динари послати уж на руки премьера (председателя) карпатскей влади о. Дра Волошина. Гу тому нашо організації у Америки одлучели езвигнуц у америчких банках пожичку од 5 мил. долари (коло 250 мил. динари) и придац тот пенѣж нашей влади у Густу як помоц, да ше вибудую нови железнїци и калдерми и да нашому народу на Горніци у своей шлеводі будзе живот легчейши.

По шмерци Папи Пия XI.

Св. Отец папа Пий XI бул в найвекшим торжеством поховани у церкви св. Петра вовторок 14. фебруара по поладню. Його гроб такой при гробе папи Пия X.

Нового римского Владика и Главу Христовей церкви буду виберац при концу того

мешаца. Папу вибераю кардинали, котрих ест тераз 65. Новини пишу, же би могол буц вибрани терашні кардинал секретар Пачели. Але то нікто напевно невна, бо кардинали за време гласаня заварти кажди у своей окремней хижи (конклаве) и гласане ше одбува у найвекшей тайносци и без найменшей агитациі.



Св. Отец Папа Пий XI.

и нашо Владикове.

Народна идея надвладала значене виборох на Горніци.

На виборох 12. фебр. на нашей Горніци лебо Карп. Україна достала влада о. Волошина, котра проци зраднікох мадярских батогашох заступа народни напрям, 93 проц. од шицких гласох. Гласало ше за листу влади лебо проци ней. Гласане було тайне у кувертох и кажди могол без страху гласац по своїм прешведченю. И баш тото тайне гласане дава побиди нашей влади ище векше значене. Наш народ на Горніци зос своїм шлеводним гласаньом виявел пред цалим шветом же вон часточка велькей руско-українскей нациі, же осудзуе зраднікох народних батогашох, котри го цагали до Пешту и до Москви. Вец потвердзел баш народ, же сце жиц. як шлеводни народ у союзу зос Чехами и Словаками и недопуци ані Мадяром а беме ані Чехом ані Словаком, да му заповедаю.

Од тераз уж нікто чесни и розумни не може повесц, же Карп. Україна постала проци волі народа и же ей влада нема у народзе кореня и подпори.

Ето у тим вельке значене виборох на нашей

Горніци. Их важносц похопел цали швет и на дзень виборох було у Густу дас 20 чудзих новинарох, котри такой явели новином широм швета, же ше вибори одбули у шоре и миру и же народ наш скоро едногласно виявел, же Карп. Україна то часц велькей України, же сце чувац и браніц свою шлеводу у чехословацкей держави и сам будзе одлучовац о своей долі.

Недзелні вибори на Горніци дали добру науку и нашим преданим душом, батогашом а и тим добре-думающим, але не свидомим и не поученим людзом, же цо зме, чийо зме, яки зме народ, яке мено цалей нашей нациі, дзе наша стара оцовщина (у Густу, Галичу, Львове и Києве, а не у Москви). Вибори на Горніци потвердзели тиж роботу нашей „Просвити“, наших новинох и шицкей нашей народней интеллигенциі.

Прето витае нашу Горніцу на тей единой правей, природней драги ей народног живота, котри вона в недзелю 12. фебруара себе вибрала и утвердзела. И ми пойдземе ей шлідом!

Най жив Карпатска Україна!

(ок)

